

本堂先生文集

陳勸題籤



09680

本堂先生文集佚文卷上

文靖公書堂講義

舒氏言行考

宋史

書館藏

著幸生文靖公舒先生之里愧不得在當時弟子列仰慕景行此心何如邇者廣平書院之設有象賢焉闡明家學親疏遠近于于來集甚盛舉也十月朔旦俾卽講席辭不獲命勉強登堂著惟夏正孟冬以卦配月是爲純坤姑取坤前後之剝復而論其大義以見陽無可盡之理聞者當亮其僭序卦曰剝者剝也物不可以終盡剝窮上反下故受之以復易之義奧矣哉季秋之月寒氣總至天地始肅草木黃落萬物就枯配以易卦是之

本堂文集佚文卷上

一

謂剝剝於上九曰碩果不食蓋剝爛矣而有不爛者存剝落矣而有不落者在一爻之陽生生所脈也一實之妙萃萃所根也然獨陽在上五陰在下變則陰極其機甚危而水冰地凍之旣滅所以固吾之陽氣上騰下降之不通所以安吾之陽體靜者其動之府終者其始之機故至七日則來復伊川先生所謂變於上則生於下無間可容息者是也碩果陽也君子也君子者道之寄也然不觀此卦之上九不足以見碩果不觀變之極不足以見君子夏道旣衰君子旣無所容而伊尹爲碩果商受肆虐君子類罹僇辱而箕子爲碩果春秋爲何如

吾夫子爲碩果戰國爲何如吾孟子爲碩果孤秦之暴
儒術滅於焚坑而齊魯兩生招之不至卓然自全獨能
見禮樂本意非碩果而何兩漢之末人物盡於黨錮旣
而諸葛孔明南陽高臥志復漢室非先主不輔先儒以
爲庶幾禮樂非碩果而何八代更詳紛紛籍籍以至於
隋而汾亭獨以古學淑諸生是碩果在文中子唐之中
葉佛骨之來滿庭阿佞而昌黎忘身闢佛是碩果在韓
愈氏五季大亂之後五星聚奎之朝諸賢方爲之交泰
旣而黨碑一立善類爲空元城了齋相繼淪沒而劫灰
不燼者尹和靖爲碩果抱道歸然者楊龜山爲碩果不

問其所成之大小不問其所詣之淺深不問其所得之
疵而未純不問其所入之偏而未全凡可以與斯文凡
可以衛吾道凡可以詔來世凡可以激高風由是焉以
道德師表一世以事業照耀千古以忠言直氣見之周
行以清標粹行見之鄉國胥此焉出而各隨所復不必
計其人之存與亡不必計其世之久與近行聖人之道
則聖人之復行賢人之道則賢人之復也所謂剝復之
義豈不昭昭然可見哉文靖先生有立身之正學有脩
身之實行參承於南軒而仰證於象山遠則審訂於周
程朱之見聞近則問辯於楊袁沈之交際力行所到後

學所師流俗滔滔道則在是非吾鄉之碩果乎詩書餘
澤子孫多賢爰卽舊塾規爲新堂舍菜有儀開講有席
當剝窮之際有來復之機若曰先生之學正矣登斯堂
者必思復於先生之正而後可先生之行實矣登斯堂
者必思復於先生之實而後可剝之上九不食復之初
九不遠相與切磋以求無愧於文靖茲惟其時其毋以
世變自誘而曰剝而不復

石梁龍滾起雲烟滿山藥味增新色夾岸桃花勝舊年
愧我白頭登覽日詠歸賡韻信多緣

設僧龍湫

金猊擅藝竇筵開蓬海眞僧駕霧來講透精光圖上點
默收塵火座閒埋鉢龍靜聽金風細幢鶴驚聞唳月哀
莫道洞深無興會蓮花朵朵水晶臺

金雞報曙

千金鑠鑠獨文身五德名標莫與羣振翼豈愁天色暝
曲頭如盼曙光新鳥穿竹韻窗談巧風捲塵嵐士
見雞人
隴漏殘驚起侍朝臣

玉鷺迎暉

片片白雲兩翼輕渚水靜觀清且淺蘆花
還興
鷺魚活潑天空闊信足長飛萬里程

次韻弟觀用王介甫桃源行韻寫感爲西湖行案

此下二詩從剡川詩鈔采入似康熙時後邨
舒先生尙見足本惜今已屢訪不獲姑附於此

錢塘江頭駐龍馬西湖風光甲天下西湖西邊屋萬閒

中有沈沈醉花者鶯鶯燕燕日日春萍齏豆粥蠟代薪

黑殺吹飈忽過江憂貽君父辱在臣烽火連天天已近

浪將督師答天問畏縮不前江神嗔坐受排牆侶西晉

我行六橋扇障塵仰面發慟風岸中誤國至此臍莫噬
安得包胥哭向秦

再次前韻

大地山河屬司馬雲闕岌堯都洛下夕陽亭上已賣國
無與東門長嘯者銅駝荆榛不成春華林轉眼爲樵與
連牆枯骨若有聲啾啾知是清談臣中原雖遠江東近
典午偏安姑莫問苻堅百萬捲淝波猶有安石能強晉
嗟今玉輦竟蒙塵將相受辱甘幘中求如西晉已缺望
萬世遺笑無人秦

本堂先生文集附錄卷上

附刻溪九曲十首

權歌贈陳子經

內翰陳

基

臨海人

海上雲山罨畫青，剡源曲曲有仙靈。四時笙鶴聞空際，彷彿曾孫宴幔亭。

一曲溪頭內史家，清泉白石映桃花。當時堅臥非邀寵，

六詔還朝百世誇。

二曲山頭草木芳，前王駐蹕有餘光。故家喬木今無恙，

禮樂衣冠比鄭鄉。

三曲稜層亂石深，儼如盤谷路欽岑。幞頭突兀清清淺，

箇箇魚兒戲柳陰。

四曲窪然爲日坑，岡巒逾秀水逾清。雲深蓮葉峰頭寺，

下界時聞鐘磬聲。

五曲鄰鄰三石溪，雲深結屋可幽棲。羽人輕舉今何在，

空有丹霞古字題。

六曲斑溪好隱居，昔人卜築有茅廬。至今蘭若諸天外，

金甌琳琅炳梵書。

七曲灣灣六曲通，峰頭金剎鬱重重。爲尋高隩雪深處，

擬結衡茅學種松。

八曲東流水入鄞，茫茫滄海浩無津。雲收雪竇高千仞，

湧出扶桑日一輪。

九曲棠梨歲作花興公手植信堪誇欲知此日誰爲主
隆國諸孫太史家

八曲 九曲詩

陳子翬 象賢

一曲溪從古剡分溪邊廟食晉將軍硯埋塵土鵝羣少
六詔空山自白雲

二曲滌澗水合流錢王祠下碧悠悠乘閒試讀高僧傳
始信長門出頌頭

三曲澄清作兩湖小盤谷下是吾廬石林蒼碧閑來往
竹素園中夜讀書

四曲溪邊古梵宮慈雲閣上九蓮峯沈公碑記陳袁句

本堂文集附錄卷上

二

颯颯風生澗底松

五曲盤回小洞天乾坤清氣閒生賢蛟龍尙有風雲會
突兀丹霞鎖暮烟

六曲溪潭遶茂林梵宮簇簇樹森森已公茅屋今無恙
何日烹茶月下吟

七曲斑斑溪水流石門榆社更清幽至今雪月交光夜
只欠當年訪戴舟

八曲豬爲法喜溪爛堂遺墨在招提乳峯瀑布飛千丈
何日登臨策杖藜

九曲迢迢雲水長興公曾此植甘棠棠溪高士今何在

文靖山林邱墓荒

陳四明先生通鑑續編序

名經字子經本堂孫汝泉子

陳基

宋司馬文正公編資治通鑑斷自周威烈王訖於五代其旨微矣考亭朱子因通鑑舊書別以義例爲綱目以正帝王之大統由是千三百六十二年理亂興廢之迹世儒所嘗議論而不能無異者至是而後有以折其衷此作者之事學者所宜守而勿失也近世東陽金先生病劉氏外紀之不本於經而是非或謬於聖人攬摭通鑑以前由威烈王上至唐堯者纂爲前編出經入史百

本堂文集附錄卷上

三

氏而外一以尙書爲主其事著矣若夫盤古以下逮及高辛作述之家類以爲世遠而難言然百家所記豈無近理而可徵者乎五代而降宋三百年度越漢唐而其世運有盛衰夷夏有消長帝王將相有得有失此後之君子所宜執筆而爲之論著也然非貫穿古今不足以涉羣籍之涯非總括機要不足以總萬事之統非深達義理之微不足以識是非之正此吾友陳君子經之大父祕監公爲宋遺老隱居四明山中嘗推宗綱目著書以紀歷代之統其先君子教授表彰家學訓釋惟謹子經束髮受是書卽知先志所屬嘗申以爲圖傳諸同志

且數爲筆記二百卷藏於家矣今又上論盤古下及高辛下據三史會於有宋或近理而有徵或損繁而致約前乎唐堯者既有以補其未備後乎五代者又有以嗣其方來比事於通鑑較義於綱目斟酌前編而不必苟同至於尊正統以定萬世之大義則考亭朱子之特筆秘監府君之遺意子經父子世守而勿失也其考覈之精取舍之審固非區區謏聞者所能盡識然舉其一而其餘者可以類見昔司馬遷論太史公所次舊聞後世稱爲良史子經此編豈非師古人而明先志乎傳之學者當與前編並存然則序而歸之以俟知者予不得以苟讓爲也時係至正十八年三月甲子日臨海內翰陳基序

又

張紳

甚矣史學之難也史之爲體不有以本乎經則不足以成一家之言史之爲言不有以補乎經則不足以爲一代之制故太史公之書其體本乎書司馬公之書其體本乎左氏朱子之綱目其體本乎春秋杜佑之通典其體本乎周禮惟易詩之體未有得之者而韓詩外傳演詩邵子經世書演易亦可謂傑然者矣然史遷之書其法言名論散在書志與左氏相頡頏而經世文學可以

羽翼六經者則又非諸子之所敢比也宋寶祐進士秘
監知台州陳公子微晚居四明山中以史學名著歷代
統紀傳於家至孫樞字子經始推其志上序三皇五帝
之概以冠夫司馬氏書之首下述遼金季宋之詳以續
司馬氏之後所以合史漢通鑑外紀前編諸書爲一家
使觀者自開闢以來至於宋末數千載之事一覽無遺
述史者未有若是之詳且盡者績可謂勞矣至正壬辰
子居廣陵始識子經於逆旅主人蕭條一室度木榻北
牖下書滿架字若蠅皆手親書子經佔畢其中率然膏
以繼晷汲汲乎若有求而弗得也翕翕乎若有失而知

所求也後予避兵齊魯子經相失十年當辛丑之十月
而其書適成因得詳觀焉其凡以爲宋自建隆至太平
興國四年無異於五代故但以甲子書四年已後方係
之統以比漢唐遼金係年宋紀之下以比吳魏之於蜀
數簡之中大義凜然其紀年司馬氏之補遺也而不敢
自謂之補遺書法紫陽先生之綱目也而不敢自擬於
綱目故題之曰通鑑續編其體蓋亦本乎春秋也因憶
曩時朝廷纂修三史一時士論雖知宋爲正統物議以
宋爲勝國而擬之史臣直理因著三史正統論推明修
端之言故以遼爲北史金亦爲北史宋自太祖至靖康

爲宋史建炎以後爲南宋史其言專其論力朝廷亦未之從而卒爲國立三史正統卒不能定至今士大夫雖以爲慊然終未有能博至當一定之論以驅天下後世之惑者愚竊謂李唐篡而朱梁興郭周篡而趙宋立趙宋滅而本朝混一則本朝所繼者趙宋之統也本朝所繼趙宋之統則遼金與宋輕重可見矣或曰本朝繼趙宋之統矣宋承五代乎曰宋篡周周篡漢漢篡晉晉篡後唐後唐滅梁梁篡唐斯時遼金角立北方天下幅裂五代不得爲統也或曰然則宋承遼金統乎曰遼乘梁篡而起於北方不過偶有燕雲金雖破遼先宋而建炎

中興人心未厭遼金亦不得爲統也或曰然則宋何統乎曰宋繼唐統者也唐正統也唐以下遼金爲北史五代爲南史斯時爲無統至宋太平興國四年滅漢之後天下混一斯爲有統亦猶晉之後南北爲無統至隋唐而爲有統故宋之有遼猶晉之有元魏也唐之有五代猶晉之有宋齊梁陳也唐之統中絕而有宋猶晉之統中絕而至隋唐也然則宋之統所謂跨五代軼遼金而躋漢唐者也子經之書自唐而後五代遼金皆爲無統至太平興國四年而後有統蓋得其統矣是可以驅天下百世之惑矣但恨子經不與史事於當時不得持此

論於朝而使三史有憾於後世也雖然子經之書得與三史並行於世亦可謂無憾於心矣書二十四卷盤古至高辛爲一卷契丹建國之始合五代爲一卷宋爲二十二卷齊郡張紳爲之序皆至正二十三年歲次壬寅二月既望書

又

姜漸

前無作者非聖賢不能造其端後無作者非君子無以述其事則夫法聖賢之業述君子之志固學者事也昔者聖人因魯史以作春秋以爲百王之大統朱子上法乎春秋下取乎左氏因溫公之通鑑以爲綱目可謂善

本堂文集附錄卷上

七

述聖人之事然世變

無常

聖賢不作綱目之書止於五代

宋遼絕統無所懲焉是故李燾之長編可以繼溫公之志而其體非筆削之文陳君之舉要可以述朱子之事而其文非著作之體有志於斯文者不能無憾矣四明陳子經因三史之成書取法乎綱目起宋迄元類爲續編凡若干卷槩用宋紀之凡參取遼金之要乃若太平興國之混一本之紫陽語錄之微言建炎紹興之大書法乎晉元中興之特筆上而建隆之分注有以見統之難得於其始下而祥興之紀年有以見統之不忍絕於終書李重進之謀反而君臣之分明書劾愚鈔之世襲

而夷夏之禍兆至於尊先聖而書孔直之官重道統而書周程之卒雖因文立義繁簡不同然紀事實書大旨略備後之作者未有能舍是而爲書也嗚呼溫公之通鑑各有分局然猶歷十九年而後成朱子之綱目因其成書亦必屬眾手而始就今子經以一人心力而兼二人之難爲其用功亦勤矣溫公嘗言吾通鑑成惟王勝之讀一遍餘人未半卷卽以倦睡漸於是編亦以數遍尙未能窺子經之閫奧然有不知子經之用功者豈可易而觀之哉子經以漸嘗獲窺其微也屬漸爲序因述其得於是編者以復之其未知者則願從子經而卒業

本堂文集附錄卷上

八

焉友生姜漸序

重刻通鑑續編序

大明宣德二年

韓陽

通鑑續編凡二十四卷四明子經陳先生之所修也先生以三世家傳史學討論著述用心至到筆削之嚴一字不苟故其是編遠而宗吾夫子之春秋近以續夫朱子之綱目誠一代之良史也夫自三代以降享國之久遠者莫漢唐宋若焉漢唐之史旣編定於朱子之綱目無復遺憾宋之有國三百二十年閒其君臣上下之分夷夏盛衰之事紛然雜出乎其閒而先生編定後統緒正倫理明內夏外夷抑揚是非得失昭然褒貶允當俾

三百餘年之事得有所據失有所考其有關於名教不
少矣元至正閒時之賢士君子鍔梓蘇學以廣其傳往
來學士大夫爭備是書摹印者無虛日迄今七十年所
鍔之梓朽腐剝蝕洪熙元祀仁宗皇帝卽位之初以今
大理寺卿廬陵胡公元櫛夙有重望首命安撫江南諸
郡駐節姑蘇謁於學宮以是編爲有功於名教之書觀
其腐朽殘缺爲之慨然卽營圖畫以爲所費之資募梓
鳩工悉心重刻俾編之朽而復新昏而復明又於通鑑
總類諸書之損失者亦皆補葺得爲全書其嘉惠來學
之功爲何如哉陽承乏職訓姑蘇口董是書書完不揣

本堂文集附錄卷上

九

愚陋謹誌於卷末蓋欲他日凡有職加檢惜則不致於
遺朽猶恐日遠歲深復有損壞尙冀後來賢士大夫體
大理重刻之心更加修治是編之傳庶乎其不朽於名
教豈少補哉肯係宣德二年歲次丁未十一月哉生明
會稽韓陽謹識

剡溪九曲圖記

本堂次子陳沆字汝海

州西五十里而遙有鄉曰剡源以其界於越之剡縣也
梁開平閒雖析剡而爲新昌實剡之故壤所以謂之剡
源其枝濫觴於九雷巖谷中逶迤曲折貫穿羣岫水一
曲而爲六詔晉右軍王公逸少隱居其閒二曲而爲蹕

駐乃與黃沙水會舊說錢忠懿王嘗蒞其地今亦廟食其所蹕駐之名自茲始高僧濟大川實生其中德行具如僧傳東迤北匯爲兩湖蒼崖壁立石林棋布有石如幞頭狀淵潭靜深有魚可數兩山旋繞有小盤谷吾宗仲模之竹素園在袁清容黃晉卿諸公所爲賦詩者天

鼓聞之生緣亦在是又北東而爲白坑其水旁注坑石有穴大而深者如井而窪梵刹其上則有蓮葉峯有寶坊曰淨慈唐白馬師所建蒙齋袁先生習菴陳提刑紀遊之詩尙在端憲沈公與予先人之記猶對峙也偃溪住山時常立鄭忠定公祠其遺墨與樛櫟之旁並傳焉

又東而爲三石有巨石三矗溪澗三峯插雲石室可坐數十人上有丹霞二字儼若朱書內則有石洞洞深不可測識風蓬勃中出怒則撼山拔木禱則化旱爲雨雲笈七籤所謂丹霞赤水之天也予家其下先太博無恙時與少府叔父爲山水之樂予兄弟日侍几杖游覽之處歷歷可指也又東折爲茅渚有梵宮曰上乘卽天鼓所授經者子祖塋在其後又北舊校云宜作南折而與斑溪水會此則剡源南派榆林石門在其上則戴帥初所居地也又北流而與北溪水合是曰高隩僉判張欽之族聚焉舍人樊良忠之墓亦在是焉北山之高者雪竇也干

丈之飛瀑在上東有山如蓮葉舊校云宜作花者法喜也中丞

舒公宣之詠在焉東流爲公棠則九曲之溪盡矣世謂

孫興公自黎洲持甘棠植此故曰公棠雪溪戴居士居

之時人謂剡源三教蓋謂先太博大川雪溪夫剡源九曲

亦同乎武夷九曲武夷九曲非考亭朱子幾泯沒而無

聞以韓元吉之記而晦翁之詩故名與考亭全其久遠

爲人勝也予鄉九曲實蘊秀麗有晉賢之遺風焉非若

武夷無人之境也居士莫能知而天鼓象賢知之象賢

旣寫之爲圖而繫之以詩天鼓又俾予作文以記之人

以境而勝境不以人勝乎今閱數日老眼爲之益明身

本堂文集附錄卷上

十一

雖萍梗於外此心則在其中矣於是援筆而不辭不知

吾鄉者視此圖不知吾人者視此文雖文章道德不敢

與考亭齒然山川景物之盛則亦不在武夷之下也吾

□□以州誌質之

陳氏蕃衍擬命序

官越州提鎮本堂子陳洽字汝

自有生民以來卽有姓氏之分使人知有厥初也然宗

譜之與世次非有第行名字以別之則昧尊卑之序是

以每世第行名字又貴齊一而世人多異第不一名偏

傍不整及其支分派別或徙居隔越歷世旣久遂迷長

幼忘世次至此不相識認視爲途人此所以族之第行

字不可不齊也陳氏始自胡公滿受封於陳因以爲姓以後世代綿遠天下皆有是姓而嘗考先世吾宗本支其來自唐古亳陳衛公夷行簡字明道始生都水使者穆穆有二子其次子禮部侍郎翩翩生洛陽令仲舒有三子其次曰扶後更名旭爲南唐司憲丞有二子次曰棠自台來爲奉化尉遂居茅渚後居三石自始祖以來至秘監府君在日常患累世之第行名字不齊遂命一子孫自季氏排行起第名字皆不許異而冠於數目之上者以傍則五行相生字則上同下異或下同上異三者並一世一字以齊之使後世之有富貴窮通及分徙

者知尊卑長幼之序不致迷罔錯亂此乃秘監公敦本睦族之雅意也子若孫其敢不遵而行之乎今名以水字始第以季字首以水傍取字以汝字冠首三者各取四十世取用以列於左右故曰陳氏蕃衍擬命庶免後之人各以見自取而不齊一也然祖德之深厚固不止四十世又在後之人別取之或仍以前字復取之亦可不必拘也吁後人能峻祖德以深遠無窮而遂爲詩書禮義之族是吾願也後裔其敬受此文大元後至元年歲次庚辰元日立春丹霞散人陳洽汝都書

賦擬班揚手名高宋晉人青衫從膝倒白髮更逡巡邱
壑中年意松筠後夜身玉堂揮翰老曾謂記幽冥

不盡南宮興難忘故國心書曾期北上琴獨操南音象

貌驚山立官名歎陸沈藤蘿三石路猿鶴暮雲深

思歸

本堂孫汝泉長子常州訓導

陳

字子樸

九曲遠窮源源深與剡連烟霞林外屋歲月洞中天邨

落人蜂聚崖山路蟻沿蓮花千峯下何日賦歸田

長洲思歸

字子經汝泉次子號四明官起居注學士

陳

權改名

我柔我梓實爲丹山身雖異方夢寐往還雲峯峩峩石

流潺潺或曲而阿或駛以灘自西徂東山川九盤九盤

本堂文集附錄卷上

三

之中閒以夷阻昔聞耆年習俗澹古衣冠絃誦無異齊

魯彼繁者華今或烟莽孰繪是圖吾宗之子子於斯所

洞見者真紀勝述幽足信遠人疇能超然謝絕羃塵烟

霞是鄰猿鶴是親返吾故廬爲九曲民

命子樸權材名銘

并序

本堂

陳

泌字汝

樸吾欲體質有章而不鄙也字以子章權吾欲濟道

合經而無失也字以子經材吾欲勁直必成而致用

也字以子成及爲詞以命之會三命以合志庶幾人焉

豈專一慮而殊歸者乎小子詳之

樸維人本質有文則理質以敦本文斯濟美質而無

文人之鄙已文勝質漓疚匪惟史惟質斯樸滄德攸紀
文以章之乃審厥是命爾曰樸字子章氏彬彬以成尙
哉小子

權 人生兩閒與道周旋惟道之行有經有權經以守
正權以濟遷如彼平衡以卻以前權而得義厥經罔愆
適道惟嘉可權斯全名爾曰權經斯字焉合經之道爾
其懋旃

材 參天地生惟才者名如木之植實材是徵屏去菑
翳翦爾棘荆勁直致用乃材之成杞梓松柏干霄閱齡
就茲大器梁棟斯弘名以材命字以成稱允蹈規矩用

保嘉貞

本堂文集附錄卷上

十四

命族姪榮字子傳榮字子正銘舊校云是嫡姪陳泌

榮之用世傳信所憑四方遠近惟茲實徵示此有的致
彼攸能一是無妄罔敢不承共惟祖父有本斯古子叔
都氏肇生惟汝德孚四方尙祖之武榮以易名字子傳
甫

人之有道率性以行利勉之倫求之惟明一或不究眾
失交并以輔以正若號受榮榮以復性萬理惟令道而
弗失庶幾希聖名爾曰榮字以子正敬之敬之保天所
命

族姪集懋名字銘

并序

陳泌

集字子會懋字子勉乞辭於泌乃爲辭以迪之
人生藐焉萬理具旃一有不具實虧其全集成會極唯
聖則然希之伊類是謂能賢斯集斯會相須成義名爾
爲集式會爾志會萬於一乃德之至錫爾朋稱日子會
氏

天降嘉德生知安行一在其次惟懋乃成懋以勉喻勉
由懋徵懋進日德勉學日明動靜默語或規或矩勿惰
勿踰壹是斯所易爾懋名三益敢取申錫然矣日子勉
甫

本堂先生文集附錄卷下

陳四明先生外紀序

名經字子經本堂先生之孫

周伯琦

鄞陽人

史學尙矣紀事肇於書編年勦於春秋具載類分昉於遷記而歷代則之各有全史書簡而核春秋正而嚴史博而該宋司馬文正公睹諸史之汗漫而有國家者不能以盡究而勸戒也編緝全帙研稽事實慎撮機要銓次年月自周威烈王二十三年迄於五代自成一書名之曰資治通鑑文公子朱子又取其成書刪繁釐枉一以春秋爲法書年以正統書事以提綱又疏其詳而目之猶夫三傳之序列也名之曰通鑑綱目於是天統以

本堂文集附錄卷下

一

明人紀以修尊卑高下之分剛柔善惡之別昭乎萬世矣然而前乎威烈者未有編次讀者病之近世浙東大儒仁山金先生由威烈王而上泝其年代始陶唐氏悉本諸書名曰通鑑前編而陶唐之前則茫然矣四明陳君子經父世其史學尊承先志纂輯前聞凡方冊所載若盤古至高辛氏考稽其概爲第一卷以冠金氏之所述名之曰通鑑外紀是編也不惟續前人之業成一家之言實有以繼夫朱子之志爲萬世之計矣有志於史學者誠能以朱子綱目爲主取金氏之前編暨陳氏之外紀合而觀之則自開闢以來歷三皇五帝夏商周秦

漢晉隋唐宋至於今上下數千年治亂興廢之迹洞徹無閒如珉江之流達於東海崑崙之氣貫於五嶽其扶陽抑陰之道陳善閉邪之義隱然見於書法其於名教豈小補哉松江貳守昭陽顧君甫將鉅梓以廣其傳請余序之噫此余同志也又將奚辭嘗聞元公周子之言曰聖希天賢希聖士希賢蓋孔子之春秋希天也朱子之綱目希聖也陳氏之外紀希賢也與人爲善顧君有焉子經之大父諱著字子微宋秘監知台州精於史學晚歲家居撰歷代統紀以淑子弟父諱泌字汝泉嘗爲校官有名又傳註紀統千百言至於子經蓋三世矣子

本堂文集附錄卷下

二

經又嘗集前代事蹟爲筆紀百卷與此編互相發明其積學討論固非一日矣夫子所謂焉知來者之不如今也不其諒哉是爲序皇元至正二十一年歲在辛丑

剡源九曲圖記

附

戴

良
金華人

奉化陳君子經圖其剡源之境屬予而敘以書曰奉化之西六十里有山夾溪而出蒼然深茂者剡源山也謂之剡源者以其近越之剡縣名之也剡源之中有水蜿蜒若白虹西來益折而東流者嵩溪也嵩溪蓋剡源之支流也剡源之溪以曲數者凡九其第二曲而爲蹕駐者吾七世祖宋殿中監公當五代時以文學行義潛焉

吳越忠懿王親往顧之故以是名也自蹕駐東迤北匯
爲兩湖湖有大石離立不可名狀去石數百步有潭甚
清洌魚百許頭可數所謂小盤谷也又北東而爲蓮葉
峰三石溪皆幽麗可觀至第五曲則其境尤勝大抵異
石最多岬然洼然若堙若穴而穹然若室其大可坐數
十人上有丹霞二字隱隱如硃書有洞窈然入之甚寒
間其深則雖好游者不能窮也謂之丹山赤水之天也
而赤水不常有也此蓋吾六世祖隆國文簡公之所居
也又東折至六曲而爲茅渚則吾始祖奉化公居之公
于唐末自長安使吳越遭亂不能還錢氏留爲奉化尉

故居之也又北東而爲斑溪水會又北流爲高隩又東
流爲公棠而入於鄞於是九曲之溪始盡也然九曲之
溪與羣山交絡且百里其閒土地入吾族之籍者什常
八九也吾之世居于此者亦既有山可樵有水可漁而
又有宅可以桑麻有田可以稼穡有圃可以筍茹此吾
之所以樂于處而自遂也吾少而安焉壯而從事四方
今又出應方面之聘當事物紛沮世故之艱難則未嘗
不思退於此以自休也子幸爲我記之使我後之人有
以知吾之志也余惟陳氏自奉化公居剡源迨今四百
餘年矣其子孫出而以廉謹名者殆不可以數計其處

以節義禮讓自守者亦累累焉此固山川秀氣之所鍾而其先世之遺澤要不可誣也蓋其先世之居於此也凡居處之樂衣冠之奉一無待於外而自足使其子孫在官無內顧之憂在家無不給之患行義求志無施而不可故其出者皆有廉謹之名處者皆有節義禮讓之行至於今不絕也然則子經之未出也則樂於處以自遂其既出也則志乎退以自休而於出處之際從容如此者豈非先世之澤乎良因作記而具道之如此

重建州治記

本堂陳
族第 觀 字達
觀

奉化於明爲望山海風物之殊衣冠閭閻之盛自爲縣

本堂文集附錄卷下

四

時前人紀述備矣然土瘠而民儉食於耕地阻而四方不甚通於貨治者雖爲其難而亦存乎其人比年民數登進爲州官吏品秩以次俱升獨蒞事所因循猶舊歲久漸弗支皇慶壬子達魯花赤木八刺公之來顧而歎曰縣之爲州雖征賦所不增土地所不闢而今之視昔難以概論司存不壯麗難以示觀瞻既而耆年士民不謀同辭乃審諸同僚上之統府上下胥悅鳩堅蒐良凡木植之可致者必厚值以市屋廬之願售者必倍價以償工匠之勞夫丁之募皆日有給始於癸丑三月爲廳爲軒爲佐幕爲賓榮畫諾有堂宴息有室不日皆成譙

門吏廡狂狴垣墉次第具舉體致宏敞輪奐翬飛儼然
千里之郡矣邦人欲頌公之德紀公之績舍儒者其誰
與余不獲辭竊謂天下之事有志者竟成而事有非一
朝一夕之可集亦非一手一足之能爲其事豈易易惟
公於民得之也有素使之也有道平時律已廉持心恕
牘不輕署卒不輒發不施鞭而賦自辦不假筆而辭自
服兩造在庭事輕者釋之以理使不戾其和氣重者得
其情而勿喜凡此皆所以作其遜讓之風道其君子長
者之歸故是役也人之趨之如子弟之從其父兄聞者
樂於勸役者忘其勞猗歟美哉今之仕也耳目聰明不
能周於簿書期會何暇他及亦有苟焉歲月視爲傳舍
不能一日葺甯有不愧於公若公之材試於一州者特
出其緒餘吾知其去是而黼黻帝室柱石明堂有非此
邦之士民所得私者矣同寅協恭實相斯舉敬書於石
前進士陳觀記

陳氏族譜序

陳觀

族譜之作老泉言之詳且悉矣若此者難乎其爲辭也
雖然族而無譜不可也無譜則世代更革支派深遠尊
卑貴賤親疏遠近問之則罔然無所知不惟慶弔不相
聞至有途人視之者此譜之不可不作也吾自始祖棠

至於今十四世矣其先傳自台之泉水來尉明之奉化徙居剡源三石道里遼絕不詭泉水果有其地亦不知有無同姓者今不得而問也寶幢陳宗魯諱洙一日往越

到陳開先之家此人老於儒以科第登顯仕語及宗族事於塵氛鼠蠹中檢出族譜以示云一派居鄞之寶幢一派居奉化三石如此則其初亦未必不同宗也若寶幢一派觀其譜云乃十世棠之子大同就居焉卻不該原居之地至八世司業習庵先生與先伯耐庵先生已有兄弟之稱自是宗族往來有日矣若上虞一派則聲迹不聞其族聚盛衰亦不得而知使求而附之又不免

崇韜拜子儀之墓亦不暇問以子夏四海皆兄弟之說論之則不必較其是非也且以吾一族言之自始祖單傳至三世始生三子長與幼二派居茅渚遷三石次一派住剛邊張邨嶺間之而始祖云與小字第全行以前無所考到今兄弟子姪不替也長一派居茅渚生二子一支云居上六詔墳墓在九雷塘上一派在下王又一派居三石子孫能道其始然皆農矣不相睹記者亦多焉次一派居茅渚者又分爲支長幼二支多居三石太博祕監公及清峯濟川乃其後也幼一派元居三石亦分而三支吾縣尉乃其支也此三派中有遷之鮎埼遷

之甯海皆不得而問有遷之縣邑湖橋及泉溪崇隩者
今人與廬皆亡矣有遷泉溪柴家橋及雲南者亦有人
焉若今茅渚三石門戶盡以衰落生理亦以卑微子孫
亦以稀少可慨也然自念先世受用豐厚至於子孫宜
見之今日時也亦勢也奈何奈何所幸詩書之澤未漸
絕然求其有能振起先世者固未之許倘能守本分循
規矩習禮義不辱先世幸甚矣今之所以譜者切慮後
之世并於彝倫有失矣故譜其親疏尊卑而已他何言
哉

延祐三年歲次丙辰孟秋初十日立秋十世孫迪功郎

觀撰

本堂先生文集校錄卷上

樊景瑞傳 生於大宋趙丈醉仙云大字當有字之誤

今從改 知合州今据各志合改台 路授今改教

字 台州學正下陳氏譜有三子洽為越州提領八

字今未補 子經今改孫經 日深日瀾日沆日泌

案先生四子長深次沆三洽四泌蓋沆為瀾之改名

洽又洵之改名也 附拙撰本堂諸子考錢曉徵鄞志辨證云成化志言子宓亦有文名

改本堂四子深瀾洵沆無名宓者新志案云本堂有

泌生日詩有次兒泌韻詩陳旅安雅堂集明言著幼

子泌舊志以泌為宓不過筆誤而辨證竟以幼子為

沆則何據乎集中固子名字說深字汝資瀾字汝海

洵字汝都湜字汝池又有名幼子泌字汝泉說幼子

及冠易名曰泌則泌即湜之改名何嘗有名沆者余

本堂文集校錄卷上

一

謂錢志固失而新志亦未盡得也案本堂四子名字
說深本名吉初瀾本名麟洵本名都湜本名朝別有
幼子名泌不待言矣今集中附錄有刻源九曲圖記

係陳沆作注云字汝海本堂次子則沆為瀾之改名

無疑又集中有送兒沆再之娶送兒沆赴台州學錄

送兒沆再之台學送兒沆赴昌國學錄四首歌行是

錢志謂沆為本堂子不誤特不當謂是幼子耳附錄

又有陳氏蕃衍擬命序係陳洽作注云字汝都官越

州提鎮本堂子而集中有送洵之越一詩則洽為洵

之改名又可知矣又集中有祭朝兒墓文朝兒哀辭
等篇書簡中往往言丙子丁丑間乎且自引奉化縣
已不在數中新志何云湜改名泌乎且引奉化縣
泉說一篇何知必為湜之改名乎新志且有漢更
志謂既以泌為著子而其兄復有沆其弟且有漢更
出於譜牒之妄此亦誤也夫沆即瀾為泌之仲兄在
是集顯有可證漢之名不見於集而奉化舊志亦無
此語惟檢之袁清容所作陳觀墓志知漢係觀之子
觀以咸淳十年進士官新城尉集中稱為族弟則漢
又明明是也 女四適竺適胡適史適黃案適黃者

是次女洸當居第二 卒於元至元十八年丁酉趙丈云查年八十四當卒在元貞三年況至元十八年是辛巳非丁酉今案元貞三年亦誤先生生宋嘉定七年卒當在元大德元年其太歲正在丁酉也餘詳拙訂年譜嗣出

本堂陳先生文集卷之一案後卷俱無陳字況下題曾孫陳煦編次其不必加可知次行有同里後學樊景瑞輯錄九字是爲陸沈樓原鈔本又有柏溪樓雲樓鈔本改云曾孫煦編次族裔大訓蓮峯氏錄又三石鈔本首卷已佚未審何人錄今並刪去而附記於此

本堂文集校錄卷之一

二

詩 四言四首 鈔本此卷無計數卷二以下諸詩卷中皆有之今做補

壽馬裕齋觀文 外禦其侮不作務如山之壽無南字清且淪漪無河水字元本如此

詩 五言絕句三十首 元本無詩字今補後做此

卷二 次韻月窗兄惜別 第四首終寒今改歲

詩寄趙九新娶 隈香趙丈云疑作偁今改

春午 第二首揚作江後邨云宜作颺今改

小宴偶成 鐙火今改花

次韻陳師幹案集中多帥幹字今據改後竝同

次韻石瑤林 臺困今改闕

三 次韻梅山送牡丹 魏撥黟枝柏溪本校云撥宜作

葉黟宜作黔

次韻如岳釀飲 第十一首學生今改士

贈趙月堂 活欲二字江云誤倒今從乙

次韻前人壁間詩 最怕身閒心未閒江云閒宜作閑

下首同今從改

試墨三首 有原闕字今作方口後俱做此不悉注

教學退作 三膳今改鱸

次韻戴帥初 第六首瀟颯据五卷改蕭

本堂文集校錄卷上

三

四 次單君範袖來汪西皋詠秋 第二首良天柏溪本

傍註涼今改長 第七首露獲今改穫 第十首望

天今改杏

送董稼山 第二首瀟瀟今改蕭蕭後做此

應百里李天益來求 第七首南鄰今改陽 第九首

園成今改圓

五 飲於梅山弟家 第六首真醅避 廟諱改

次前韻似雲岫 柏燼今改鑪

次韻戴帥初覓茶子 第二首五十六六今改斛

六 外孫王相兒案相兒名玠字孟成是黃東發之孫今

改作黃後黃相兒求詩一題同

王得淦招飲席上案得淦集中屢見剡源集作塗存參
答青醫王東林求 案以上二詩參之求下宜有詩字

今補一方口

卷七張敬之縣尉 陪遠業今改培

秋晚新晴 撥雲程今改呈

秋夜偶成 山築今改小

次韻童尙質書懷 看剡趙丈云疑作劍今從改

四安縣道案古無四安縣名惟湖州有四安鎮亦浙中

要地隸安吉縣

本堂文集校錄卷上

四

剡中明心寺 泉可遲舊校云遲疑作池今從改

解剡回家過陳公嶺案集中言陳公嶺者不一而嵯縣

志云先生去任民送至城固嶺遂易名存參

山居避難 第一首末句擗誤貧据剡川詩鈔改正

第五首抖搜今改擻

卷八詩 五言律三十七首遵舊校出五言古七首 案元本

計四十三首卷中第二十九首後有滿城風雨近重

陽爲韻七詩舊校云宜入五古今移附卷二十七末

崇福寺舊有半牀雲一窗月在兩挾挾今改掖

卷九詩 五言律三十九首遵舊校出五言古一首 案元本

無計數卷中第四首後有如心姪有詩因用韻一首
舊校云宜入五古今亦移附卷二十七末

長孺以新生子求名子字元脫今補

靈濟庵會高麗僧全息庵八句遺之舊校云合入古詩
今未移 三笑圖今乙

酒邊呈鄭耐軒 曲曲廓今改廓

黃虛谷

名鳳翔字子羽

案鄞志作翔鳳採本堂集又云翔龍亦

族兄弟採宋元學案攷集中七十七卷作子羽山長
翔龍當係翔鳳之誤今乙正

十卷 城歸憩吳竹脩家 蛟毒柏溪本作蛟今改

本堂文集校錄卷上

五

與內姪汪景淵 脩祖江云當作阻今改

元夕風雨元字疑除之誤

一卷十 次韻張子喬來見 籓廬江云當作籓今改

四月三日轉官花毬今据三十二卷乙作官毬花

二卷十 次韻孫與之見寄 漏居江云宜作陋今從改

送邑宰丁旣之解任案奉化志丁字漑之存參

三卷十 宿靈石方丈 猶夷誤倒今乙

趙氏樓偶成 宣何江云何疑和之誤今從改

首夏 可置校量疑量字之誤量古文作量今改

送沿江制使姚橘州 常布江云當作韋今改

次韻古倉 第二首狎衙今改押

卷十 嵎縣次韻蒼過客常德慰覓酒慰今改尉

嵎縣印回家 身知江云知字誤今空

到徐晚邨點木簿 才近山光山字與下複今空

卷十 次韻梅山弟惠雞巴江云巴字當誤今從空詩同

次韻前人醅更生會 第二首同湍今改喘江云湍當

作喘存參又云詩有三首題作二首誤今案第三首

疑別一題据下首次前韻止一首可見惜未校空

長至日山家偶成 聞歌今改閒歌

次韻梅山弟感時 第四首順洗今改流

本堂文集校錄卷上

六

次韻董伯和 第一首尤歲今改龍

次韻前人形役 滯優今改憂

次韻弟觀到蔡家莊 般家今改搬

卷十 示都兒學書 來帖今改米

卷十 次韻前人祈雨 苦雨江云宜作苦旱今從改

賦陳子得書樓 冬月江云當作日今從改

卷十 贊前人第四子 坐瑞芝江云坐宜作生今改

甲申夏到杖錫 老兒孫江云老字誤今空

夏五再遊慈雲 風路江云路疑落今改露存參

卷十 次單君範遺次兒韻 遜呂二字柏溪本旁乙江

云恐蒙遜之詔今乙正

次韻竺梅潭見示 無異改今作政

卷二 兒姪輩為燕老集 第二首任貢貢字今改供

收芋偶成 晚歲今乙正

卷二 次韻弟苴客懷 一紅江云一字可疑今空

長琴江云長疑張之誤今改

次韻胡景參 第一首廚上原本止有偏旁禾字

次韻陳晟別瀾 瘦來今來字空

卷二 贈薛總管棄官從案從下宜有字今補一方口東

卷二 次韻徐何慊九日登高 分韻今改芬馥

本草集校錄卷上 七

女兄歸蕭氏 末 原注云弔室齊侯弔杞梁妻事題門劉長卿妻夫死刑耳自誓事

送東平趙孟頴赴徽政院譯史案前卷十二有次韻東

平趙孟益遊北山寺詩又後卷三十八有送東平趙

孟益為譯史序則此卷頰字宜改益字

似星同知 心盡今改畫

代京尹吳山雲賀廟堂 第二首垂瓢城案郡縣志蔡

州治城汝水屈曲若垂瓠故名今改正

又次前韻 蓮香 原注云蓮香妓名 趙丈云注語可刪案潛確

類書潁州官妓盧媚兒口中作芙蓉香有蜀僧曰此

女前身為尼誦法華經二十年

次韻弟觀似永固寺主僧可參 次韻前人似前人江
云二詩已見前卷十九中可刪今姑並存之

似告成寺主僧 過言江云過宜作偈今從改

卷二詩 五言古三十四首遵舊校出五言排律一首案

卷中第三十首下有剡縣次韻張兼夜月聯句一詩

舊校云宜入五言排律今仍附卷二十七末

先兄至能遠忌 忘楫維今改亡

卷二次韻張子開次子試晬 偶爾江云當作偏今從

改

用前人示諸兒今補韻字

本堂文集校錄卷上

八

喜弟觀得男彌月案男字誤今改孫

次韻觀弟避難 蜻蛉今改脊令

卷二深自婦氏歸侍 奴厮厮不入韻今改卒 戾寒

室趙丈云當作寒瘵塞

四月十一日與婦小酌 一笑字下原係 穆廟

諱案與葭字混今改復下卷吳伯秀求詩篇同一詩

卷二笑笑一篇 祭非傜今改奈

戴帥初九日無繆云云共詩九首皆從前卷移入

卷二原闕

卷二原闕

卷三 贈醫相者趙月堂 我證相上疑脫我字

寄賦黃東發湖山精舍 二靈灑浮案字書無灑字今改龜 獨把江云宜作抱

卷三 十一 弟茵飲至醉 無不知詩鈔本作如今改 我下脫一字詩鈔有輩字今補

次韻單君範寄梅行江云詩係五古宜移五古之末 吾黨與佛會 此其最舊校云其一作爲

癸未冬至後舊校云一無至字

六月五日大風雨水舊校云一無雨字

卷三 十二 正月二日遊慈雲 萬頃下或填濤字柏溪本作

本堂文集校錄卷上

九

烟字今從改

賞轉官毬花 團團白江云白字當作不案詩鈔作自

又下句不是詩鈔作事今並從改

戴時可家 坡云江曰坡當作頗今從改

送黃少孺遠遊 天章舊校云天一作文

前人載酒光風霽月下今空一字

卷三 十三 送沆赴台州學錄 分分今作介介

送呂簿李大用 三年細滿柏溪本作任今改後同

贈郡經歷韓君美 序攻撞今改斂 周程今改孔

行路易 帆佐便江云便當作使今改

字

送邑簿周信解任 萬里當遠到句疑脫二字

卷三 壽雪寶寺炳同長老 圖壁今補畫字

可舉長老退休 詩評泊今改論

胡貴常雲寄說 豐里案金谿鄉有永豐里見舊志

卷三 十五名族曾孫芸生說 盍為吾於今盍改益於改族

名外孫黃玠說 以賢不肖以今改而

名女清說 斟酌之則在下疑脫人字

卷三 十七錢塘白珽詩序 方蚊峯江云蚊字疑誤 皆為

之印江云印下疑脫可字今改印為師

贈仁木上人山游序 蟻蝨舊校云蟻一作蠓

本堂文集校錄卷二

王氏族譜序 注 縹 今改 縹

卷三 十八天台陳方叔詩集序 有所下今空二格

天甯寺主僧可舉語錄序 禽蹤今改縱

贈詹仲和還杭序 苟非得耶江云非宜作所今改

送邑士韓君美上三字誤倒今乙正

送東平趙益為譯史序益上原有孟字舊校抹去今補

卷三 十九寶鼎現原本詞題在下時事在上今俱乙正語詳

例言 要得培根案萬氏詞律培字下宜仄且根字

與下複今空 又誰知條理案詞律有二體一體百

五十五字則上文最是二字宜衍一體百五十八字

則條理句尙脫一字

又壽沿江 大制使 銜新詔上今校空一字

又壽王脩 齋樞密 不差毫髮上黃雞白下今並校空一字

瑞鶴仙 聲名掀揭案毛并譜似當作掀揭聲名 前

闕末上句七字下句六字後闕起第二字叶韻似參

史達祖譜

摸魚兒 追隨後鶴案張翥譜追字疑衍

洞仙歌 雲也遮闌不斷案詞律四字句疑有衍字

又次韻蘇 寸腸千百轉案蘇譜百字疑衍

念奴嬌 園杏貴客案譜貴客二字宜平此疑 不教

本堂文集校錄卷上

十一

妨卻嬌今卻上空二字

又獻再一 兄成室 卜市心下今空一字

卷四 十 滿江紅 望寒光今改先 銀盃今改盆

水調歌頭 人皆道上 玉就下並校空一字

惜分飛 篇末校刪一惟字

小重山 次韻定海 趙簿詠梅 吳可舟云趙下疑有脫字

霜天曉角題注末有夜字今移前日字下

減字木蘭花 南東下今空二字

如夢令 端雲二字今乙

念奴嬌 烏令驂鳥島今改鳧鳥疑葉字之誤

慶春澤原作慶清朝又名高陽臺案詞律一名高陽臺

者本名慶春澤今据改 後闕首句微異

卷四 十一 真珠簾 微生上今空二字 已了二字今乙

案詞律此用張炎體與他譜多異

又 四時懷 原脫四時二字据後詞增 天津上今空一

字

又 壽內 六十 壽筵摸樣不入韻今空一字 一首同

金盞子 如今下 滿城下今並空一字案萬氏云此

調人各一體難於歸一

又 及近二字 沸鼎二字今並乙正

本堂集校錄卷上

主

又 次韻劉 改之 人生生字案譜宜仄疑是世字之誤

又 和元春 兄自壽 清淨淨字讀半 無憂無辱無懼驚句中

脫一字未空

又 示諸 兒 唯到今改推 俗謂延 緩日推 後壽內子一首同

瑞鶴仙 後闕舊校落上旁添四點案譜應道下有四

字今空又案健字据譜宜叶韻

念奴嬌 曾輕被案譜輕字衍 風光句亦衍一字

卷四 十二 又 酒邊 如今溪田田字宜仄今改上

綺羅香 第一首細縷下今空六字 低襯下今空一

字

又壽聲
仲

爭赴開筵酌酌字與下複今改約

聲聲慢

好在下今空一字

賣花聲

懽聲新弄影案譜衍一字

卷四
十三 又

溪山月風吳云宜作山月溪風今乙

糖多令案律或作唐

行香子

誰信生來案譜來字宜叶

寶鼎現

猶字下今空二字

沁園春

載月舟下原本空七字今改空三字

本堂先生文集校錄卷下

卷四跋董長卿詩編 不肖後後今下後字空

跋俞西秀詞 予知默翁江云默翁二字宜重

跋盧致遠詩雲案他卷作應龍存參

卷四十五柴張父厓草帖案張父姓柴諱厓見剡源集今刪

上張字 汪仲容丈三第鐵仙云文疑是文今改

張氏之遇氏今改父

書族弟茝鷺圖 而非所下今補取字

書蔣氏族譜後 譜之古今改者

跋貝菊所詩 又安用務此爲何哉今刪何字

本堂文集校錄卷下

卷四十六跋戴樂潛詩 蘇玉堂堂今改局

書胡純伯正叔二生字說後 刻吳應之案吳字誤題

本作胡集中又有胡應之墓銘今正 余應之以屬

舊校云余疑作吳案非也今空 正仲今改正叔

書張君弊帚集江云弊當作敝今改

卷四十七書卓生甫深衣述後 質疑之記江云句有誤

書史獻父屏石圖舊校云又作猷案猷字是徽孫之字

集中屢見今正 迹爲上三石本補奚字今從之

書陳孔晨隱居圖 其子自孔晨者或云自疑曰之誤

案孔晨名自集中屢見鄞志職官表誤作自祿

題天甯寺羅漢圖 一軸下補日字 亟秀江云當作

函

卷四 廣福院記 三百六十有七吳云合上數計之七

當作九今改

竹脩記今据鄞志古蹟門補室字 鞭而萌萌字据鄞

志補

天甯報恩禪寺記 不無感慨句上而字 如意二字

並据鄞志補

雪竇山資聖禪寺記 文首据雪竇寺志有維字 禪

寺宅焉志無禪字 環池志無池字 築危曲而闌

本堂文集校錄卷下

二

檻之据志改爲築危闌曲檻五字 吾責矣志作也

今改 卽日西上瀝苦語七字志無 茫無費源志

茫下有然字 梓匠二字志互倒 絕蹬据志改磴

水碓磴成据志刪水字 紀綱下据志補之字

備完二字据志乙 繆巧志作抄巧 其速成也其

下志有能字 事事二字志作治事 以此視彼爲

何如哉彼爲二字据志補 更今額志作改今名

爲重爲字据志補慧通据志改常四明山志同 見

如師之美蹟志無如字蹟作績 年今七十有六志

無今字 如明也也字据志補

梅窗記記字今增 梅植於物植於二字今乙

卷四 奉化縣學記 依謝志較 案舊有此注後三篇同今

並刪 不歎徐氏時棟四明六志校勘記作不嫌今

從改 補苴徐記作置 吾及二字徐記云二字集

倒据文獻志乙 簞笠徐記云二字二本並从艸依

陳子相改 二本者一本堂集一 盧北四明文獻志也 一白君菀徐記云二

一本並寫作罍考延祐志及奉化志縣丞門其人姓白

一名龍罍蓋龍字古文菀之譌以意改今從之

參前亭記 經工奉化縣志作鳩工 而行必有恆而

字据志刪 以警以字据志補 何著非情志作誠

本堂文集校錄卷下

特承余之心者志作成

清隱山房記 塵鏡江云宜改境今從之 夫既豁然

鄞志既作豈 非其所欲下鄞志有言字

允齋記 屈指二字鄞志無 亦無愧矣上志有庶乎

二字

卷五 梅逸林隱君祠堂記 惟杜門杜字据鄞志補

重修淨慈寺記 庫院庫閣下庫字今空 宋紹興熙

据至正志刪興字

新剏望雲院記 已資已字鄞志作也 道散散字鄞

志作衰

卷五 十一 新升奉化州記 爲戶四萬延祐志四作五 此

之謂据志刪之字 大德元年六月日前太學博士

陳某記十五字据志增一設員七据志補員字

重建西壽昌院記 郡乘於城內鄞志於作子 篠城

舊校云城一作牆鄞志作牆 善乘志作善誠 度

地下据志補以字 尤難据志補爲字 豈徒空也

下志有哉字

卷五 十二 天壽報國接待院記 而總統所据鄞志改達

書夢事付洵 肆筵甚設江云甚疑盛之譌今改

又勸農文 官司亦可寬小今改少寬

本堂文集校錄卷下

四

賞月檄 當面挫了江云宜作錯今從改

卷五 十三 菊集所檄 調高則昌昌字疑誤今空

卷五 十四 公主下嫁代前人賀皇后廢 幸甥今空一字

一 對剔今改敷

代資正殿今改政

申兩浙轉運使狀 案給榜其其字今改具下同

申諸司乞寬催科劄狀 捷出文引捷一作提

卷五 十五 謝解啟 受父師受下今空一字

卷五 十六 謝沿江姚制使啟 冥心師造下原空九字今補

之字接寫

通淮西李漕副啟

注卮漢

案宋元學案饒以趙汝騰

湯中等薦中之姪曰文清公漢字伯紀注中所指殆

其人矣今改 敵虜無常情江云宜刪情今刪敵

謝寶章姚學士啟

穹鱗今改窮

通江東提舉倪啟

遭逢下

原注云下與前篇通淮西李漕啟同今補

通太平守陸啟

某下

原注云此段與前篇同

今補後凡已補入

者不悉注

謝前人舉改官啟

如康靖以根撥今据下篇改節

卷五

謝沿江制使姚啟

俞香今改音

卷五

通安撫顯謨饒直閣啟

向剡川今改問

本堂文集校錄卷下

五

通李帥機啟

贊我帥闔我字今改戎

卷五

通楊提舉啟

皇華使臣今改者

卷六

通趙丞

寶天

啟原作夫今改

通杜簿

英強

啟案強前作孫存參

卷六

通賀浙東家憲啟

攬勝

家眉州人

江云互倒

卷六

嵯縣滿謝賈太傅啟

百怪何從而舞怪江云下

怪字宜空今從之

卷六

謝京尹戶判吳啟

尤知自許在相李場云云柏

溪本抹去許字今刪相字存參

通黃京尹啟

蚤見知於下

舊校云此下缺十三字

案下文先皇

字當時必是換行鈔非缺也今接寫不空

除京倅謝賈啟 幕府低僚錢志辨證引作屬寮

卷六十四代陸漕景思啟 本身閒性身今改耽

代伯求第賀賈太傅入相下今補啟後凡闕者俱補

卷六十五代徐制幹謝程啟 特自此始得江云得字衍

代江東漕趙巖啟今改起

代前人謝陳憲辟長興宰啟 辟書下今空四字

代方狀元啟 游叨今改游 自黥今改息

卷六十六代王資政啟 禮絕曰謙今改私嫌

代趙松壑通馬大使啟篇中空格悉仍其舊

本堂文集校錄卷下

六

卷六十七原闕

卷六十八賀馬觀文除參政劄 文末今空三字

通浙東饒帥劄 滋一概之案下篇作冀一概之益今

槩字改漑

通趙帥參劄 一雨二字原闕今補

通鞏北倅 桂余南倅 東余東倅 城鮑察判 同李知錄 召

王司戶 應子吳司法 紹元俞監倉 鎮程比校 榮祖繳劄案原

本總題如是今据注文分鮑察判以下各為一篇

通俞監倉繳劄 鏡田二字出注文

通舒教得 必林教明 文稽山尤山長 棟劄元本總題如是今

分尤山長自爲一篇

卷六 十九 賀前人次子劄 覃涯今改渥

賀馬觀文劄 盜弄猶據江云據字誤今空

卷七 十 賀趙巖起詞繳劄 其廟今乙下仍空二字 催

調舊校云催宜作歡今不用 篇末羽字疑衍

卷七 十一 謝京尹潛戶侍劄 翟公今改狄 講祈今改請

況不知江云宜改悅

賀劉帥除太府卿劄 晉直西風風字疑誤今空

賀紹興朱倅劄 注朱乃文翁曾孫詮之子 今翁改公詮改銓

卷七 十二 與陳簽判劄 又將諸屬諸字今改誰

本堂文集校錄卷下

七

賀家憲冬至劄 首宜稱賀慶今刪賀字

賀陳簽判冬至劄 氣橫天下原空六字今不空

賀前人除司農卿劄 陋舟今改漏 實成今改感

嵯滿回縣寮載酒劄 賜旋今改旋

壽王大資陽月歌繳劄 世叔今乙正

通王京尹繳劄 不周上今空一字 玉宸上原空六

字案此亦當時鈔者換行故也

卷七 十三 通謝邑宰梁劄 式以病民式字今改適

通邑長官啟 立長官也今乙空

謝王樞密書 振撼而疾下江云宜空一字

蒼上虞陳宰書 會陳賈案陳策字次賈今補

卷七 蒼剡胡應之書 多妄鐵仙云疑忘之誤今改江

云忘宜作忌存參

與婺州馬通判書 琴旣祥御句難讀今空三字掇取

字書無之今改翩翩

送葛架閣書 初十五穀穀今改鼓

賀趙戶書典鄉郡書郡字原脫今補 注其父少傳奉

王權亦 案父名與權拜少傅封奉化郡王謚清敏今

典鄉郡 乙正 重重事三字今改種種視

賀家侍郎尹京書 阻命江云疑誤今改聞 烟戒今

本堂文集校錄卷下

入

改炯

卷七 十五 答戴帥初架閣書 老痛甚於割下今空一字

立可上原空一字疑即陳姓人

蒼黃東發提舉書 茲拜四書陸沈子曰四宜作賜案

上文疊接三書則四字亦通

招單君範教子書 然然据學案改然後

蒼許宮講書 藥食三石本食作石今從之

卷七 十六 原闕

卷七 十七 蒼張書監 謝萬一舊校謝字旁注無今刪

與黃仲正 儒 案學案作叔雅 八十五卷亦 作叔存參

奉文本心樞密 瀛濡今改孺 持援舊校持一作揮

祈領舊校祈一作祗

與黃子羽山長翔今改鳳校語詳前

荅前人 體承此意舊校體一作拜

與曾南金制機 狀續舊校一作瀆 高躔舊校一作

尙今並從改 七子舊校一無七

荅孫將仕 釋僑江云僑字疑

又荅黃子羽 某自昨舊校一無自

荅竺梅潭送良女彌月 脩言其然江云當作備

卷七 荅白廷玉 有新意舊校一作生 風朋舊校一

本堂文集校錄卷一

九

無朋 聽其所掠舊校一作過今改 復後舊校後

一本作隨

與王廣德 人間之事舊校一無之 獨念舊校一無

念 其非初心舊校一作非其 幸甚舊校一本止

一幸甚

與王江陰令子 既而先正舊校一無而 雖不與舊

校與一作欲

又 已不任遠舊校一作難以

荅表仁胡制機 甚於母與子舊校一無與今刪 而

以無裝舊校一無以今案當云無以為裝 尊姊與

吾姊舊校一作尊妹吾妹 最小者舊校一無者字

與趙提管 尋處下舊校一空三字今從之

與史猷父 與始猷能舊校一無始字能上有不字

與孫主簿 紛郁舊校郁一作都 過極舊校過一作

已今改

與俞景周架閣 墨翁舊校一作默今改

與王東之 敘舊話新舊校一作敘新舊話 聯舊校

一作昞 更看下舊校一有方來二字

與竺梅潭 日樂樂上舊校一有之字

與孫常州令子 遇馬舊校一作過 晉言今改唱

本堂文集校錄卷下 十

卷七 與胡甥幼文 拜書舊校一作書徹

苔湯復齋知縣 十有七年舊校一本無有七兩字

奉文本心樞密 耄矣舊校一作老 候鈞履舊校一

作鈞候屨 墓銘陸沈子曰墓當作碑

苔孫與之 此韻舊校此一作以

與胡景參 本非其腳舊校一本空今從口 汗顛舊

校一作顏

與林國器 若改先爲元元先二字今互乙

苔陳楸陽書監 一餉今改昞

卷八 與李昌翁宣慰 以益益三字柏溪本刪

苔剡教趙實父 次二子洽溶溶今改泌

與韓君美經歷 蕪斐舊校蕪一作無 書月今改目

與白縣丞 龜 今作苞校語詳前

與象山高宰 註一作珪 案象山志正作珪 前卷五十一同

苔州長官 罕 求館驛堂名書案縣志察罕元貞二年任

名宦志有傳今乙舊校一無堂字

與張師道 見雅分羽舊校一作訝二字缺

與阮若山書 峻清嚴江云清字衍今刪

留上乘寺主僧如岳 幾更時舊校一無三字

又 船回舊校一作回船

本堂文集校錄卷下

十一

卷八 與陳監丞 此僧二字舊校一本無 西禪舊校

一作潭 習庵名蒙齋案名字誤今改告

答徽上人惠物 上飛雪陸沈子曰此下宜有竇字案

雪竇寺有飛雪亭錦鏡池兩景今姑空一字

卷八 二代族姪津答屠氏請期 己巳應期今改月

卷八 十三 深問名黃氏劄 天錚今改緯

淪問名竺氏劄 近者令弟舊校第一作姪 朋兼江

云兼疑縑字之誤今從改後同

卷八 十四 代族弟觀回蔣定女劄 不容固辭固字江補

代族孫檜納采劉氏劄 喜欲越舞江云宜作起今改

卷八 十五代求彰叔回朱益仲劄 青翼之立立今改言

代斗門王定榆林陳劄 匪伊異人匪字江補 其不

敢其今改某

卷八 十六答董聲仲餽生日 揚春江云可疑今改陽

答王之朝餽生日 蕭然今改茶後同 紫海舊校一

本作梅今從改

餽黃子羽山長 八十案子羽名翔鳳不單名龍見前

蒼林國器餽生日 墨繡据卷中改繡

蒼淨慈寺主僧法椿餽生日 感無如愧有餘言七字

江云誤今作感激無似口愧有餘 拘以上刪奈字

本堂文集校錄卷下

十一

卷八 十七原闕

卷八 十八祭姊丈童慶純文 母端平上今校空三字 自此卷至

末凡有空口多係 淮胸今改淮洵洵 欵獻今乙

祭前湖南安撫趙文 山居酒詩句疑脫四字

祭亡男朝兒墓文 二十日寅卯疑與上混今改廿口

祭同兄從父文案同甫係本堂從兄之字今乙正

卷八 十九代趙菊泉祭妻兄文 一卮今改勺

祭內兄舒通叟文 眾人皆備人今改善 兄于一死

之後六字上下語氣不合今移兄字於次句告字下

移于一死之後五字於日吾二字下死字改作病

非所規規今改窺 未少間未今改于
代邑士祭前人文 日以象之日今改尸

祭禮部尙書王伯厚文 長江今改川 能無今改與

挽陳菊坡樞密 朝夕今改久

卷九 挽黃祖勉 夢餘 今据鄞志改幹 休誓無仕志今

据後卷改原明無仕志

挽張正甫 號梅坦 今据後詩對蘭亭改梅坦

前妻童氏墓表 同邑進士居高之女案宋元各志選

舉門有童居善無名居高者而鄞志以童氏爲董氏

尤誤今改正

本堂文集校錄卷下 十三

董應之墓銘 笑詠据鄞志改嘯

卷九 張正甫墓誌銘 高峯疑改高隩趙生平之曰高

隩亦名高峯今仍之 吾君之後君字疑誤今改父

徐君壙記案文代其子作篇末應有填諱二字今作口

蔣質甫墓誌銘 喜溢于顏顏鄞志作言

故節幹范君墓誌銘 本之清苦推以果達定海廳志

作本清苦之操達以明敏 隨事廳志作縣事 其

有不辱吾類容明氣揚廳志改作見善二字 後有

姻親馮氏句亦可疑

馬千里墓誌銘 篇中多据鄞志改正 王述隩述字

不見字書亦不知屬鄆縣何鄉

應長卿墓誌銘 諱震伯鄆志作伯震

卷九 十二代天甯寺起大殿榜 釋迦佛是主看看尸尸捧

合將來靈山會上當子子孫孫受用案數句有誤今

改空三字改乙數字

卷九 十三 岷縣上元醮青詞 岷之一異異今改縣

卷九 十四 吉州白鷺洲書院講義 中庸首章云云原本與

前文換行今改接

佚文

佚詩

本堂文集校錄卷下

十四

附錄卷上 剡溪九曲十首 第三首前王前或改錢

存參

陳四明先生通鑑續編序 筆紀一百卷据鄆志改二

字

又姜漸 序 然無世變据三石譜改世變無常

又韓陽 序 於名教上据譜加其有關三字

剡溪九曲圖記 山一曲山譜作水今改 其間下譜

有詔六下而不起地由是名後人爲之立廟有硯石

存焉二十一字 竹素園下据譜加在是二字 有

穴窪譜無穴字有大字今並存 梵刹二字譜無

檇僚之旁旁疑作勝 少府叔又据譜改父 又東折爲茅渚折字譜作北而二字 北溪譜作晦溪

命子樸權材名銘 權字篇据譜補正三十六字

附錄卷下 陳四明先生外紀序案外紀二字譜作通

鑑續編本文較譜少三百餘字因書名既異校其異

同而附錄於此 史博而該史上譜有諸字 二十

二年据譜改二十三 名之曰譜無之字下同 讀者

二字譜作後乎五代者未有論述前曠後缺疑信龐

昧君子十九字 則茫然矣譜作茫焉二字 考紀

据譜改稽 盤古氏氏字据譜補 所述下譜有又

据契丹遼氏建國之始並於五代爲第二卷宋有國

三百二十年爲二十二卷其建號也依於甲子太平

興國四年混一中原始大書其年代至國亡止而遼

金之事附見之一以通鑑綱目爲法蓋地有偏全而

統無偏全勢有強弱而分無強弱總之爲二十四卷

共一百三字 外紀譜作續編下同 不惟續譜作一

以贊 朱子綱目譜有通鑑二字 五嶽下譜有也

字 隱然上譜有皆字 豈小補哉下譜有曩余爲

太史時詔脩宋遼金三史與侍制王理輩首議統紀

不合私於避忌者從而和之如出一口余遂移疾力

求去不就其書雖成布在人間而公論有所不可掩
云子經論著殆與余合豈可謂世無其人哉子經之
編旣成兵難大作幾不能生事定而其稿幸存若神
明祐之者積歲苦貧不能脫稿今行中書省賓佐海
陵馬君玉麟國瑞甫好古君子也余長州時訪子經
得其稿以祿米致筆札飲食之資聚諸生能書者編
錄之始成全書焉共百七十字 顧君下譜有逃思
邈三字 顧君有焉顧字譜作二 蓋三世矣下譜
有余弱冠客杭與汝泉友善今觀子經所成如此使
人歎羨不已共二十四字 歲在辛丑下譜有孟夏

書三字

本堂文集校錄卷下

去

刻源九曲圖記

戴九靈譜作戴庸今改良篇末同

凡九下譜有其一爲六詔晉右軍王羲之隱焉共十
三字縣志亦無 則其好遊者譜無其字今改雖
先世之澤乎下譜有夫稱人之善而不推本其所從
來非知言者也共十八字

本堂先生文集校錄卷下終

右本堂文集九十餘卷先祖宋莊靖公十一世孫諱著之所作也昔先君司馬府君嘗與魚門太守規復郡城既而鄞志設局其徵引之書多假自杭垣文瀾閣中有本堂集一帙太守謂先君此集係吾鄉文獻宋季百年閒人物多資考證惜無人付之剞劂爲可歎也先君子黻孝廉隆瑜獲雋後遽從先君地下而先君志事所賴以繼述者獨先兄子芹司馬隆藻纂訂宗譜及輯恭潔公旌忠錄而已壬辰之春奉化孫君玉仙明經偕其族人軒蕉上舍德昭過訪以募乘本堂集啟見示余驚

喜曰此乃吾宗遺書而先君所欲乘而有志未逮者也

本堂文集序

一

吾陳氏自莊靖公以來宋元迄今代有賢哲而藝文所錄如文介公禾四經傳及文集廷美公瑀百官圖說仲

伸公龍陳氏日鈔仲攸公荷東皋唱和集月湖公素月

湖稿及眉庵公應祥眉庵集雲隱公應禎雲隱集皆先

代作家其傳本不少概見而茲集雖非足本尙歸然如魯靈光之存不可謂非吾宗希世之珍已刻事既竣余獲觀斯集之行世用不揣樛昧謹誌數語如右至吾宗倉基一族遷自茅山走馬塘與本堂先世之源流別有宗譜中世系表及支派存證在茲不復贅云時

光緒夏五望後五日族裔孫隆澤謹述

育姜不肖

聞之先伯兄雨亭先生

濟靈

日本堂集九十

六卷昔先子蓉堂府君嘗有志梓行授徒二十年力不能逮光緒紀元族議訂譜乃撮登其要以見一二後有

賢能全付黎棗則家乘之錄又在所寬矣時育姜方侍

先兄讀書並預校對之役每誦一篇此心未嘗不躍然

起也竊意先代著作獲存無幾此編雖四庫著錄而

不付剞劂終無以歷海內好古者之心戊子春聞孫君

玉仙明經留意鄉邦文獻揆及是編旣而秋闈旋里以

得借鈔仁和丁氏藏本數卷告噫天下事有志竟成好

古如孫君可不謂有功遺書者歟吾族竊苾先世餘蔭

本堂文集後跋

一

雖不甚發名成業而一經授受幸未替於書香且派別

支分郡多著望豈無願誦清芬者有之而不以告是不

肖育姜之無人心也因丐孫君撰募茱小啟一篇敬告

同姓而同志之士亦閒及焉卽以校讐之事屬之孫君

并命兄子遠謀從之游俾襄乃勞自辛卯冬開雕訖工

癸巳之夏而全書麤成其原闕者俟訪補已育姜不肖

於本堂先公之行誼文學未能窺見萬一惟平時繩

尺自持恆懼獲戾姓譜幸荷各宗丈協力仗助數有不

足又質先世祀田以益之以竣將來之贖而先子與先

兄遺憾庶其稍慰云爾癸巳夏五裔孫育姜敬跋

本堂先生文集助葉姓名

慈谿王家振 助洋伍圓

奉化王 鏞 慎齋 助洋伍圓

鎮海余 燦 旭初 助洋貳拾肆圓

甯海蔡鐫經 晤琴 助洋伍圓

奉化劉紹琮 助洋伍圓

奉化江 迴 助洋伍圓

奉化吳文江 助洋拾圓

仁和王掄奎 助洋伍圓

奉化胡福昌 文齋 助洋伍圓

本堂文集助葉姓名

慈谿裘文耀 焜如 助洋伍圓

慈谿徐炳藻 琢堂 助洋拾圓

慈谿姚 均 助洋伍圓

慈谿顧兆蓉 助洋伍圓

慈谿葛賡商 耕莘 助洋伍圓

慈谿童文崇 俊三 助洋伍圓

奉化李鎮南 慶儀 助洋拾圓

奉化沈一桂 馨山 助洋伍圓

奉化蔣能璇 玉卿 助洋伍圓

奉化劉紹璜 渭卿 助洋伍圓

奉化沈濟鹿亭助洋拾圓

奉化林肇昌賓水助洋伍圓

奉化林肇基蓮泉助洋伍圓

奉化吳繼曾菊如助洋伍圓

奉化卓景仁蓮孫助洋伍圓

奉化顧鴻士美助洋伍圓

奉化楊占亨蘭亭助洋拾圓

奉化張文綱尙卿助洋伍圓

奉化莊椿瑞琴嶧助洋伍圓

奉化張鑑授眉伯助洋伍圓

鎮海華蕘塘助洋伍圓

本堂文集助乘姓名

陳氏各族助粟派系

鄞縣倉基一支助洋陸拾圓

鄞縣蘆封一支助洋參拾圓

鄞縣走馬塘一支助洋伍拾圓

慈谿 一支助洋 圓

奉化柏谿一支助洋柒拾圓 上洋在內

奉化斗門一支助洋陸拾圓

奉化鷓鴣一支助洋陸拾圓

奉化榆林一支助洋肆拾圓

奉化三石一支助洋陸拾圓

本堂文集助粟姓名

四

奉化陳家衝一支助洋貳拾圓

奉化茗雲一支助洋 圓

奉化桐照一支助洋 圓

奉化柱石一支助洋拾圓

奉化陳郎埭一支助洋伍圓

奉化陳家隩一支助洋拾圓

奉化前塢紐一支助洋伍圓

本堂先生文集助采姓名

黃巖陳瑞疇 字錫九 號毅軒 助洋伍圓

奉化陳善康 助洋拾圓 西溪人

奉化陳芝祥 助洋貳拾圓 東陳人

奉化陳長春 助洋伍圓 張家車人

奉化陳宇洪 助洋陸圓 六詔人

奉化陳鶴鳴 助洋伍圓 龍塢人 祖居陳家畧

慈谿陳祥燕 助洋拾圓

奉化陳桂木 助洋伍拾圓

本堂文集助采姓名 五



